

植物名實圖考

植物名實圖考卷之十五

固始吳其濬著

蒙自陸應穀校刊

隰草類

竹葉麥冬草

瓜子金

蝦鬚草

奶花草

公草母草

二圖

八字草

夏無踪

天蓬草 又一種

粟米草

瓜槌草

飄拂草

水線草

畫眉草

絆根草

水蜈蚣

無名四種

仙人掌

萬年青 二圖

牛黃繖

金不換

筋骨草

見血青

見腫消

魚公草

野白菊花

野芝麻

鶴草

劉海節菊

白頭婆

天水蟻草

黃花龍芽

又一種

金竈耳

土豬荄

田阜角

七籬笆

水麻芳

釣魚竿

臭牡丹

班珠科

鐵馬鞭

葉下珠

臭節草

臨時救

救命王

鹿角草

天草萍

盤龍參

蛇包五披風

竹葉麥冬草



竹葉麥冬草

竹葉麥冬草生贛州吉安荒田中細莖拖地短節小葉似秋時
小竹梢開小紅白花成簇余以十月後船行章江霜草就枯場
圃濕漉荒草中見有紅萼新嬌取視得此後詢之建昌土醫云
可瀉心火功同麥冬東海之棗妄言妄對姑存其說但小草凌
冬得霜而葩或與秋菊同其喜涼畏炎之性



瓜子金

瓜子金江西湖南多有之一名金鎖匙一名神砂草一名地藤
草高四五寸長根短莖數莖爲叢葉如瓜子而長唯有直紋一
綫葉間開小圓紫花中有紫蕊氣味甘俚醫以爲破血起傷通
關止痛之藥多蓄之雲南名紫花地丁滇南本草紫花地丁味苦性寒破血解諸毒攻癰疽腫毒治疥癩癰瘡治小兒走馬牙疳潰爛用紫花地丁新
瓦焙爲末搽患處效



蝦蟇草

蝦蟇草生陰濕地處處有之細莖淡赭色柔弱不能植立葉似
萵蓄而薄色亦淡綠梢葉更細葉間莖端出小枝開三瓣淡粉
紅花瓣大如粟性涼

奶花草

四

熙草卷之十五




奶花草

奶花草田塍陰濕處皆有之形狀似小蟲兒卧單而莖赤葉稍大斷之有白汁同鱧魚煮服通乳有效 按嘉祐本草地錦莖赤葉青紫紅花細實當卽此草李時珍誤以小蟲兒卧單併爲一條乃云黃花黑實與圖經相戾今俗方治血病不甚採用而通乳則里嫗皆識故標奶花之名以著其功用云

公草母草





公草母草

公草母草產湖南田野間高五六寸綠莖細弱似鵝兒腸而不引蔓公草葉尖長半寸許附莖三葉攢生葉間梢頭復發細長莖開小綠黃花大如黍米落落清疎母草葉短微寬兩葉對生葉間抽短莖一莖一花俚醫以治跌打竝入婦科通經絡二草齊用單用不驗

八字草



八字草

八字草產建昌小草蔓生莖細如髮本紅梢綠微有毛一枝三葉似三葉酸而更小葉極稀疏土人搗碎敷漆瘡按本草拾遺漆姑草如鼠跡大生墻堦間陰處氣辛烈按敷漆瘡亦主溪毒主治既同形亦相類而本草不圖其形未敢遽定



夏無踪

夏無踪產寧都小草也一莖一葉葉如葵多缺有毛而小如錢
高數寸長根多鬚生治手指毒又一種紫背根如小麥冬者同
名異類

天蓬草

九

限草卷之十五



天蓬草

天蓬草一名涼帽草生建昌河塢鋪地細莖如亂髮百餘莖爲
族莖端有葉三兩片如初生小柳葉黑根粗如指土人以洗腫
毒

天蓬草又一種

十

臨草卷之十五



天蓬草 又一種

天蓬草比前一種莖赤而韌附莖對葉梢開小白花如菊根短

粟米草



粟米草

粟米草江西田野中有之鋪地細莖似薦蓄而瘦有節三四葉
攢生一處梢端葉間開小黃花如粟近根色淡紅根亦細韌

瓜槌草

上二

隰草卷之十五



瓜槌草

瓜槌草一名牛毛黏生陰濕地及花盆中高三四寸細如亂絲微似天門冬而小矮糾結成簇梢端葉際結小實如珠上擎纍纍瓜槌牛毛皆以形名或云能利小便雲南謂之珍珠草俗方以治小兒乳積

滇南本草珍珠草味辛性溫治面寒痛新瓦焙爲末熱燒酒服

飄拂草



飄拂草

飄拂草南方墻陰砌下多有之如初發小茅草高四五寸春時抽小莖結實圓如粟米生青老赭或云煎水飲能利小便

水線草

一

水線草卷之十五



水線草

水線草生水濱處處有之叢生細莖如線高五六寸葉亦細長莖間結青實如菉豆大頗似牛毛黏而莖稍韌葉微大赭根有鬚俚醫以洗無名腫毒



畫眉草

畫眉草撫州山坡有之初生茅草高三四寸秋時抽葶發小穗數十條淡紫色似蓼而小殊有動搖之致或云可治跌打損傷亦名樞子草

絆根草

十六

限草卷之十五



絆根草

絆根草平野水澤皆有俚醫謂之聖頭草扁者白根有鬚者味甜者可用圓者生水邊味淡者不可用治跌打損傷破皮止血寸節生根志書多以爲卽蔓草爾雅菹蔓于或卽此本草衍義謂卽蘼蕪之蕪恐未的

水蜈蚣

十七

限草卷之十五



水蜈蚣


水蜈蚣生沙洲處處有之橫根赭色多鬚微似蜈蚣形發青苗如茅芽高三四寸抽莖結青穗如指頂大莖上復生細葉三四片俚醫以爲殺蟲敗毒之藥按本草拾遺地楊梅苗如莎草四五月有子似楊梅形頗相肖唯主治赤白痢不同但濕地小草多利濕當可通用



生吉安田野中細莖高三四寸對葉如初生榆葉十月
中開小粉紅花瓣大如米蓋春草冬暖而已開花



生贛州沙田中宛似小麥門冬高六七寸有橫根細葉
攢之抽葶冬結圓實亦如麥門冬而黑紫色




江西平野有之高四五寸綠莖細柔附莖生葉如初生
小菊葉葉間開五圓瓣小白花如梅花而小



生南康洲渚間小草鋪地細莖淡赭色葉大如指面濃
綠背淡青而尖微紅無紋理宛似小桃

仙人掌



仙人掌

嶺南雜記仙人掌人家種於田畔以止牛踐種於牆頭亦辟火
災無葉枝青嫩而扁厚有刺每層有數枝杈枒而生絕無可觀
其汁入目使人失明南安府志三國志載孫皓時有菜生工人
吳平家高四尺厚三分如枇杷形上廣尺八寸下莖廣三寸兩
邊生綠葉東觀漢記作平慮草按此卽今仙人掌人呼爲老鴉
舌郡中有高至八九尺及丈許者桂平縣志龍舌青色皮厚有
脂婦人取以澤髮種土牆上可以辟火通志附仙人掌下當是
澤州土名南越筆記瓊州有仙人掌自下而上一枝一掌無花

葉可以辟火臣謹按南安志據吳志以仙人掌爲卽平露足稱該洽南越筆記云廣州種以辟火殆卽昔所謂慎火樹者臣前在京師曾見之生葉成簇新綠深齒綴於掌邊道光乙未供奉內廷

上命內侍出此草示臣

勅臣詳考以補羣芳譜所未備惜彼時未檢及吳志深慙疎陋又據內侍口述此草頃在

禁籞忽開花色如芙蓉大若月季禁中皆稱仙人掌上玉芙蓉云向陽花木

雨露曲承舒葩獻媚物理常然固不足言異徵也越八年臣備
員湘撫繪草木圖敬述斯事以見無知之物偶經

宸顧尚能効靈忝竊槐棘有慙葵藿亦恐草木笑人又三年臣
移撫雲南檢滇志云仙人掌肥厚多刺相接成枝花名玉英色
紅黃實如小瓜可食節署頗多大者高及人肩春末夏初開花
結實俱如志所述因俾畫手補繪迴憶持節嶺嶠依

光禁蘖皆目覩斯卉萬里昆明與奇葩異萼農夕染濡蓋是夙
緣獨怪嶺南紀載殊不周詳豈秉筆者未及審核抑滇產異於

他處耶臣謹識






萬年青

花鏡萬年青一名藍閣葉叢生深綠色冬夏不萎吳中人家多種之以其盛衰占休咎造屋移居行聘治墳小兒初生一切喜事無不用之以爲祥瑞口號至於結婚幣聘雖不取生者亦必剪造綾絹肖其形以代之又與吉祥草慈松四品並列盆中亦俗套也種法於春秋二分時分栽盆內置之背陰處俗云四月十四是神仙生日當刪剪舊葉擲之通衢令人踐踏則新葉發生必盛喜壅肥土澆用冷茶按九江俚醫以治無名腫毒疔瘡牙痛隱其名爲開口劍或謂能治蛇傷亦呼爲斬蛇劍

牛黃織

三

限草卷之十五



牛黃繖

牛黃繖江西湖南有之一名千層喜長葉綠脆紋脈潤層層抽
長如抱焦心長者可三四尺斷之有涎絲俚醫以治腫毒目爲
難得之藥亦間有花卽廣中文殊蘭踰嶺經冬葉隕故少花其
葉甚長仍兩圖之又滇南有佛手蘭葉亦相類



金不換

金不換江西湖南皆有之葉似羊蹄菜而圓無花實或呼爲土
大黃性涼俚醫以治無名腫毒消血熱葉敷瘡根止吐血同豬
肉煮服

筋骨草

三

隱草卷之十五



筋骨草

筋骨草產南康平野春時鋪地生葉如芥菜葉面綠背紫面上有白毛一縷茸茸如刺抽葶發小葉花生葉際相間開放葉紫花白花如益母遙望蓬蓬白如積灰亦呼爲石灰菜俚醫用之養筋和血散寒酒煎服鄉人亦掘以飼豕

見血青

三

陽草卷之十五



見血青

見血青生江西建昌平野亦名白頭翁初生鋪地葉如白菜長三四寸深齒柔嫩光潤無皺中抽數莖逐節開白花頗似益母草花蒂有毛茸茸又頂梢花白故有白頭翁之名俚醫搗敷瘡毒殆亦整菜之類

見腫消

辛

照草卷之十五



見腫消

見腫消產南昌鋪地生葉如芥菜多皺而尖長又似初生天名精葉亦狹中有白脉一道根如初生小蘿菔直下無鬚赭褐色有橫紋南昌俚醫蓄之以治腫毒

魚公草



魚公草

魚公草江西湖南有之緣莖叢生莖有細毛附莖生葉長如芍藥葉有斜齒厯落如鋸俚醫云性寒一名青魚膽能通肢節止痛行血

野白菊花



野白菊花

野白菊花處處平野有之綠莖圓細葉如鳳仙劉寄奴不對生
梢端開花宛如野菊白瓣黃心大如五銖錢俚醫云性涼亦可
煎洗無名腫毒

野芝麻



野芝麻

野芝麻臨江九江山園中極多春時叢生方莖四棱稜青莖微紫對節生葉深齒細紋畧似麻葉本平末尖面青背淡微有澀毛繞節開花色白皆上矗長幾半寸上瓣下覆如勺下瓣圓小雙歧兩旁短缺如禽張口中森扁鬚隨上瓣彎垂如舌抵上齦星星黑點花萼尖絲如針攢簇葉莖味淡微辛作芝麻氣而更膩湖南園中尤多莢夷不盡或卽呼爲白花益母草



鶴草

鶴草江西平野多有之一名灑線花或卽呼爲沙參長根細白
葉似枸杞而小秋開五瓣長白花下作細筩瓣梢有齒如剪
按救荒本草沙參有數種此殆細葉開白花者




劉海節菊

劉海節菊似黃花劉寄奴而莖葉細瘦花亦無長蕊建昌俚醫採根治風火

白頭婆

三

隱草卷之十五



白頭婆

白頭婆生長沙山坡間細莖直上高二三尺長葉對生疎紋微
齒上下葉相距甚疎梢頭發萼開小長白花攢簇稠密一望如
雪故有白頭之名性涼



天水蟻草

天水蟻草生湖南平野荆湘間呼鼠麴草爲水蟻草蓋與西陽雜俎以鼠麴爲虻蜉酒同義此草葉有白毛極似鼠麴而莖硬如蒿亦微作蒿氣高二尺許俚醫以爲補筋骨之藥

黃花龍芽



黃花龍芽

黃花龍芽湖南園圃中多有之高三四尺綠莖如蒿長葉花又皺紋如馬鞭草而大色稍淡莖葉皆微有毛澀秋開五瓣黃花瓣小如粟長枝分叉點綴頗繁俚醫與龍芽草同用 按縣志中多云黃花龍芽勝於紫花者湖南謂救荒本草中龍芽草爲毛腳苗則黃花當以毛腳苗爲正而俚醫無別



黃花龍芽

又一種

黃花龍芽生嶽麓比前一種莖矮而黃直硬有節亦有毛脚葉微瘦餘皆四五葉攢生一處細尖有歧如初生萼蒿梢開小黃花攢如黃粟米蓋一類而生於山陸故肥瘦不同



金匱耳

金匱耳產湖南長沙山坡高二尺餘獨莖褐紫參差生葉葉如
鳳仙花葉面青背白微齒秋開黃花如寒菊下垂旁莖弱欹故
有是名俚醫云性涼能除瘴氣 按黔書有黃花根能除蠱瘴
氣味或相近



土豨薟

土豨薟生南昌園圃中紅莖對葉葉如鳳仙花葉而無齒梢端
葉際發細葶柔嫩如絲開黃花如寒菊綠跗如蠅足抱之土人
或卽以代豨薟

田阜角

聖

隱草卷之十五



本草綱目卷二
田阜角

田阜角江西湖南坡阜多有之叢生綠莖葉如夜合樹葉極小而密亦能開合夏開黃花如豆花秋結角如莢豆圓滿下垂土人以其形如阜角樹故名俚醫以爲去風殺蟲之藥



七籬芭

七籬芭生建昌細莖翠綠近根微紅葉如小竹枝梢三葉旁枝
二葉對生共成七葉狀亦娉婷土醫以根治煩熱

水麻芳


圖

臨草卷之十五



水麻芳

水麻芳生建昌叢生莖如蓼淡紅色綠節葉三叉前尖長後短
面綠背淡有毛俚醫搗漿以新汲水冲服療痧症 按本草綱
目有牛脂芳無形狀草藥多有以芳名者



釣魚竿

簡易草藥釣魚竿一名逍遙竹一名一枝箭治跌打損傷筋骨
痛疼要藥清明前後有之夏至後卽難尋覓 按此草建昌俗
呼了烏竹細莖亭亭對葉稀疏似竹而瘦中惟直紋一道土醫
以治勞傷

臭牡丹

四

陽草卷之十五



臭牡丹

臭牡丹江西湖南田野廢圃皆有之一名臭楓根一名大紅袍
高可三四尺圓葉有尖如紫荊葉而薄又似油桐葉而小梢端
葉頗紅就梢葉內開五瓣淡紫花成攢頗似繡毬而鬚長如聚
針南安人取其根煎洗脚腫其氣近臭京師呼爲臭八寶或僞
爲洋繡毬售之湖南俚醫云煮烏雞同食去頭昏亦治毒瘡消
腫止痛



斑珠科

斑珠科生長沙平野一叢數十莖高尺餘枝杈繁密三葉攢生
極似雞眼草俚醫以除火毒

鐵馬鞭

吳

關草卷之十五



鐵馬鞭

鐵馬鞭生長沙岡阜綠莖橫枝長弱如蔓三葉攢生似落花生
葉而小面青背白莖葉皆有微毛俚醫以爲散血之藥

萊下珠

四九

臨草卷之十五



葉下珠

葉下珠江西湖南砌下墻陰多有之高四五寸宛如初出夜合樹芽葉亦晝開夜合葉下順莖結子如粟生黃熟紫俚醫云性涼能除瘴氣




臭節草

臭節草生建昌獨莖細絲葉長圓如瓜子形頂微缺面深綠背灰白三葉攢生中大旁小一莖之上小大葉相間頗繁碎土醫採根搗漿洗腫毒有效




臨時救

臨時救江西湖南田塍山足皆有之春發弱莖就地平鋪厚葉
綠軟尖圓微似杏葉而無齒莖端攢聚二四對生下大上小花
生葉際黃瓣五出紅心頗似磬口臘梅中有黃白一縷竝出土
醫以治跌損云傷重垂斃灌敷皆可活故名



救命王

救命王湘南平隰廢圃多有之叢生十數莖爲族高五六寸一莖三葉初生時頗似蛇莓葉漸大長七八分深齒濃綠微似刺榆俚醫以治跌打全科搗碎用童便或圓龍湯冲服雖年久重傷皆能有效




脾角草

鹿角草產建昌或謂之草麥冬葉根俱似麥門冬而柴硬與萱草根相類土人取根煎水亦可退熱按本草綱目槌胡根與此草甚肖惟槌胡葉寬大如萱草頗柔潤根味甘似天門冬又一種竹葉草根亦如麥冬昔人謂麥冬有數種皆其同類

天草萍

天草萍

天草萍卷之十五



天草萍

天草萍產建昌赭根橫短抽莖如萱草莖就莖發葉亦如萱草而狹莖上開花作苞如蘭花膏莢建昌俚醫用之未及詢其所治何病



盤龍參

盤龍參袁州衡州山坡皆有之長葉如初生萱草而脆肥春時
抽葶發苞如辦繩斜斜開小粉紅花大如小豆瓣有細齒上翹
中吐白蕊根有黏汁衡州俚醫用之滇南以治陰虛之症其根
似天門冬而微細色黃

地包五披風

五

黑草卷之十五



蛇包五披風

蛇包五披風江西湖南有之柔莖叢生一莖五葉畧似蛇莓而大葉莖俱有毛如刺抽葶生小葉發杈開小綠花尖瓣多少不勻中露黃蕊如栗黑根粗鬚似仙茅俚醫用治咳嗽